



REPUBLIKA E KOSOVËS/REPUBLIKA KOSOVA

GJYKATA THEMELORE MITROVICË

Numri i lëndës: 2019:102133

Datë: 04.03.2024

Numri i dokumentit: 05405165

**P.nr.439/2018**

**GJYKATA THEMELORE NË MITROVICË** - Departamenti i Përgjithshëm, Divizioni Penal, Gjyqtarja e vetme gjyquese Benita Berisha, me bashkëpunëtoren profesionale Medina Rama, në çështjen penale kundër të pandehurit: B. Q., për shkak të veprës penale Mashtrimi nga neni 335 par.1 në lidhje me nenin 81 të KPRK-së, sipas Aktakuzës së Prokurorisë Themelore në Mitrovicë – Departamenti i Përgjithshëm PP.II.nr.761/18 e datës 31.05.2018, jashtë seancës, duke vendosur sipas detyrës zyrtare e në mbështetje të nenit 357 par.1 nën par 1.3 të KPP-së, me datën 04.03.2024, mori këtë:

**A K T V E N D I M**

- I. HEDHET Aktakuza e Prokurorisë Themelore në Mitrovicë- Departamenti i Përgjithshëm PP.II.nr.761/18 e datës 31.05.2018 dhe PUSHOHET procedura penale kundër të pandehurit: B. Q., nga i ati S., e ëma S., e vajzërisë J., i lindur me datë ..., në S., tani me vendbanim në rrugën “...” - Prishtinë, me numër personal ..., shqiptar, shtetas i Republikës së Kosovës, për veprën penale Mashtrimi nga neni 335 par.1 në lidhje me nenin 81 të KPRK-së, për shkak të parashkrimit absolut të ndjekjes penale.
- II. Shpenzimet e procedurës penale, mbulohen nga mjetet buxhetore të kësaj Gjykate.
- III. Palët e dëmtuara: V. M., R. B. dhe M. M., për realizimin e kërkesës pasurore juridike, udhëzohen në kontest të rregullt civil.

**A r s y e t i m**

Prokuroria Themelore në Mitrovicë- Departamenti i Përgjithshëm, ka ngritur aktakuzën PP.II.nr.761/18 të datës 31.05.2018, kundër të pandehurit: B. Q., për shkak të veprës penale Mashtrimi nga neni 335 par.1 në lidhje me nenin 81 të KPRK-së.

Gjyqtarja e çështjes, pas vështrimit të shkresave të lëndës, duke u kujdesur sipas detyrës zyrtare përkitazi me afatet e parashkrimit, ka konstatuar se në këtë lëndë penale ka arritur parashkrimi

absolut i ndjekjes penale për të pandehurin B. Q. për shkak të veprës penale: Mashtrimi nga neni 335 par.1 në lidhje me nenin 81 të KPRK-së.

Nga shkresat e lëndës rrjedh se i pandehuri B. Q. veprën penale dyshohet ta ketë kryer me datë 31.10.2017, 26.12.2017 dhe 01.02.2018 dhe që nga ajo kohë e deri më tani kanë kaluar me tepër se gjashtë (6) vite.

Në nenin 106 par.1 nën par.1.5 të KPRK-së, është përcaktuar se: “*ndjekja penale nuk mund të ndërmerret nëse kanë kaluar tre (3) vjet nga kryerja e veprës penale të dënueshme me më shumë se një (1) vit burgim*”, dhe neni 107 par. 8 përcakton se: “*ndjekja penale ndalohet në çdo rast kur të ketë kaluar dyfishi i kohës së afatit të parashkrimit (ndalesa absolute mbi ndjekjen penale)*”, ndërsa në rastin konkret i pandehuri B. Q. është akuzuar me dyshimin se ka kryer veprën penale Mashtrimi nga neni 335 par.1 në lidhje me nenin 81 të KPRK-së, ku dënimi i përcaktuar me këtë kod për këtë vepër penale është dënim me gjobë dhe me burgim prej tre (3) muaj deri në tre (3) vjet, ndërsa vepra penale dyshohet se është kryer me datë 31.10.2017, 26.12.2017 dhe 01.02.2018 dhe që nga koha e dyshimit se i pandehuri ka kryer veprën penale të lartcekur e deri më sot kanë kaluar mbi gjashtë (6) vite, e që ka kaluar dyfishi i kohës që kërkohet për arritjen e parashkrimit, çka do të thotë se ka arritur parashkrimi absolut i ndjekjes penale në bazë të nenit 107 par.8 lidhur me nenin 106 par.1 nën par. 1.5 të KPRK-së.

Parashkrimi absolut në këtë rast penal ka arritur me datën 01.02.2024, ngase brenda kësaj periudhe kohore nuk ka përfunduar ndjekja penale.

Gjykata, konstaton se parashkrimi i ndjekjes penale është një fakt dhe rrethanë që në çdo rast sapo të vërtetohet se ekziston, Gjykata obligohet sipas ligjit ta hedh aktakuzën dhe pushoj procedurën penale. Ashtu që kjo Gjykatë, pasi ka vërtetuar se ndaj të pandehurit të lartcekur, ka arritur parashkrimi absolut i ndjekjes penale për këtë vepër penale që është akuzuar, kjo Gjykatë ka marrë aktvendim, e ka hedhur akuzën si dhe ka pushuar procedurën penale ndaj tij.

Vendimi mbi shpenzimet e procedurës penale mbështetet në nenin 453 par. 1 të KPP-së.

Vendimin lidhur me udhëzimin e palëve të dëmtuara në kontest të rregullt civil për realizimin e kërkesës pasurore juridike, gjykata e mori duke u bazuar në nenin 462 par. 3 të KPP-së.

Andaj, në bazë të lartcekurave e në kuptim të nenit 106 par.1 nën par.1.5 dhe nenit 107 par.8 të KPRK-së, si dhe nenit 357 par.1 nën par 1.3 të KPP-së, u vendos si në dispozitiv të këtij Aktvendimi.

**GJYKATA THEMELORE NË MITROVICË**  
**Departamenti i Përgjithshëm- Divizioni Penal**

**P.nr.439/2018, datë: 04.03.2024**

**G j y q t a r j a**  
Benita Berisha

**KËSHILLA JURIDIKE:** Kundër këtij aktvendimi është e lejuar e drejta në ankesë e personave të autorizuar në afatin prej 3 ditësh nga pranimi i tij, nëpërmes kësaj gjykate, për Gjykatën e Apelit në Prishtinë.